

110 年全國語文競賽客家語朗讀文章國小學生組（四縣腔）

編號 1 號

【避暑】葉美伶原作

鳳凰樹榮榮，細細蕊个靚花開到鬧熱煎煎仔，日頭緊來緊烈，企在樹下看往上，日頭絲仔晟到人睜目毋開，不時還聽得著樹頂蟬仔，知了¹～知了～知了～，放勢牯唱等這時節正會有个歌曲。

逐年這央時係佢最暢个時節！等學期結束、放寮該下，阿爸會送佢轉莊下同講客个阿公、阿婆培養感情。歇在莊下無冷氣，毋過，闊闊个瓦屋當涼，若係暗晡頭還會熱个時節，阿婆就會擎一支扇仔摺佢撥涼，撥啊撥欸毋多知仔佢就牽覺咧。老屋面前有一隻盡闊个禾埕，阿婆講這位頭擺係晒穀用个，今這下穀都直接載去農會焙也，毋使日頭晒，也毋驚下晝頭个風馳雨。阿婆講著頭擺艱苦个日仔，成時還會偷偷仔掙目汁。這下禾埕既經變成停車坪也，毋過下把仔²還係晒蘿蔔乾、晒鹹菜乾个好所在，也係佢兜細人仔个遊樂場。

阿公个屋面前有一頭蓮霧樹總係打到結結，一樹仔个蓮霧纜

纜吊吊。逐年到這時節就像係同佢講：「歡迎光臨，佢煞猛打子等你來，就像阿公、阿婆心肝肚園等滄滄个愛，望等子孫轉來共樣哦！」屋頭前還有一條圳溝，歸日仔泉水流流流流，到這下都還有蝦公好捉。阿婆講，就算係天早也毋怕，泉水分个恩情佢愛知好惜。在烈烈个日頭下，最清涼个享受就係去泔水仔、覓蜆仔、捉蝦公，還過去戽水、捉魚仔。禾割忒，在田坵肚煨番薯、搞騎馬打戰、搞扮家啦仔，這兜全部都分佢兜細人仔搞到歡喜靈天，也就係佢避暑个快樂生活。

一瞞目，佢讀小學三年生也，阿姆安排佢在避暑去補習。逐日關在冷氣間肚，完個人³就像擲繩个弓，害吾身材變到又高又瘦，人也變到又還較白淨。佢歸日仔像極樂仔樣仔挨無停，佢想有阿公、阿婆个莊下哩！想等，該恁多蓮霧還等等佢去摘；想等，鄰舍个細人伴仔還等佢去共下搞園人尋……。

阿爸講，佢客家人盡重要个兩件事情：讀書摺耕種。人講「晴耕雨讀」，故所，愛出頭天，讀書第一重要。好得，阿爸不時還會擲工載佢兜轉去看阿公、阿婆。其實，佢盡捨毋得个係無法度逐日聽著阿公、阿婆講好聽个古，還過瓦屋禾埕坪、老老嫩嫩好聽个客家話。

¹ 知了：音 dí' lio`；知道了。

² 下把仔：音 ha ba` e`；有時候。

³ 完個人：音 von` ge nging`；整個人。

110 年全國語文競賽客家語朗讀文章國小學生組（四縣腔）

編號 2 號

【鬧熱个落雨天】曾菁怡原作

鬧鐘仔鈴、鈴、鈴¹響哩！大嫲聲喊佢遽遽趺床，再過忍床就會赴毋掣去學校讀書哩啲。佢目西西仔伸手去揪忒鬧鐘，又過橫落眠床，捨毋得摺佢分開。欸！毋係天光咗？外背仰會還係暗摸胥疏？探頭看往出，原來係天公派烏雲來通知佢兜——愛落雨哩！

有人認為落雨天係麻煩天，出外愛著水衣仔，無就摺遮仔，一無細義衫褲又會涿到濕漉漉仔，愛去哪仔都毋方便。學生仔盡惱無法度出去打球仔、搞寮，一下課就會分先生掌等，麼人都做毋得出去涿雨，故所見看啊著落雨，大家就唉唉唧唧，眼盯盯仔看等雨水號等歸隻个運動坪，實在還慍悴哦！

毋過，落雨天對佢來講顛倒係異鬧熱个日仔。朝晨頭一出門，滿街路都係淦淦个車仔，這片嘩嘩、該位叭叭，像久見个朋友相借問樣仔，大家相賽尖共下講起恁久無看著个思念。該兜行路个人，摺等一支支个遮仔花，分雨水淋啊過，跔等就開出各色个花彩，揆去揆轉像在該比看麼人个花較靚樣仔。你係同佢聽較

¹ 鈴：音 liang；擬聲詞。模擬鈴聲。

真兜仔，該雨水打在車仔頂、屋頂、水窟仔還過樹葉仔頂高个聲，全部都無共樣，有高音、有低音，有大聲、有細聲，像係在該唱歌仔分你聽樣仔。成時，雷公還會用曠燼來打燈光，用響雷公來和聲，恁樣講起來，係毋係異生趣？

佢盡好在落雨天打早就去學校，因為該兜平常時固核核个蠅螺仔²、蟻公全部都會趟出來搞水。學校个圍牆³係紅毛泥作个，壁頂生个溜苔青里里仔，落雨該下，蠅螺仔趟上趟下陣打陣，相賽看麼儕蹶較遽，有个彎來幹起做起畫圖个藝術家，有个停跔在圍牆頂高享受分雨涿个清涼、逍遙、還過自在。

落雨天出來搞寮个蟻公盡好膽，衫褲無著就緊拚拚仔走出來搞水，溝壩肚朗朗滾个水流緊沖等來佢也毋驚。有幾下尾蟻公分水沖啊去還會搖來擺去，暢到奈毋得。有个蟻公大摺摺仔趟到路項來，較砸身个還做得趟轉去；較嫻个將就橫在路徑頭，分天公做主哩！

鬧熱个落雨天，有人懊惱，有人歡喜，天公無法度合每一儕人个意，佢就愛自家改變想法，不管麼个天都係盡好个天。

² 蠅螺仔：音 se^ˇ lo^ˇ e^ˋ；蝸牛。

³ 圍牆：音 tu^ˇ xiong^ˇ；圍牆。

110 年全國語文競賽客家語朗讀文章國小學生組（四縣腔）

編號 5 號

【蘋果¹】徐姿華原作

在臺灣，蘋果係盡無見奇个水果，一年四季儘採哪個水果攤仔都看得著，毋過，蘋果个魔力，係從細就深深種在吾心肝肚、囡入吾腦膈肚个。

佢兜三姊妹一個續等一個出世了後，屋下个開銷日見日增加，阿爸同阿姆參詳了後，決定放忒屋下該垵出息無多个薄田，出外食頭路，為著賺較多兜仔錢，阿爸去應²著水壩工程个十輪牯運轉手，愛配合工地時間出車，一個月正有好奈兩日仔定定。

阿爸當珍惜同屋下人共下个時間，放寮前一日下班過後，阿爸就透夜仔趕轉來，轉到屋下既經會轉點咧，佢兜早都睡到屎朥孔孔，阿爸會輕手輕腳來問肚巡佢兜，看啊佢兜有睡好無？有踢被無？佢會同睡到橫架直架个佢兜拗起來睡正、過同佢兜蓋被，還會咬佢兜个面頰卵。分阿爸短短个鬍鬚刺著，又癢又痛又虐削，目睡覺分阿爸吵醒現起雷追³，目摸目罅嚶嚶滾⁴嗽眇，阿姆就

會嚶嚶滾⁵，喊佢莫搥射人。阿爸會牙牙射射⁶講：「恁久無看著咧，佢當想吾心肝妹啊！」還當愛睡个佢，一下仔又迷迷癡癡忒忒，毋過睡夢中仰鼻著香香甜甜當好鼻个味緒呢？

第二日朝晨跣床，枕頭脣有一粒又紅又大粒个蘋果，該香香个氣味就係昨暗晡睡目該下鼻著个，該大蘋果還錫人哪！係阿爸轉來咧！佢一恸真，遽遽跳落眠床，盲赴著鞋就颯等出去，阿爸坐在飯桌前牙噉噉仔⁷看佢，佢一下就跳到阿爸个大腳髀項坐等，兩隻手纏等阿爸个頸根，同阿爸使妮⁸。阿姆兜等一鑊燒燒仔个糜行過來，看著佢恁樣，笑笑仔講：「還使妮哦！遽遽去洗嘴洗面好食朝咧！」佢還係毋肯下來，拈等阿爸像一隻無尾熊，阿爸笑到哈哈滾，企跣起來同佢拈去洗身間洗嘴洗面。

阿爸知佢好食蘋果，逐擺做事轉來，總會買蘋果放在吾枕頭脣，分佢做得發一個香香甜甜个夢。佢知阿爸惜佢，佢也知佢當愛阿爸。該蘋果个香氣、靚靚个外型同脆脆甜甜个好味緒，毋知對哪時既經刻入吾个心肝肚，該蘋果就係阿爸愛佢、惜佢个印記。

¹ 蘋果：音 lin` go`；語源於日語「林檎(りんご)」。

² 應：音 in`；允諾。

³ 起雷追：音 hi` lui` dui`；孩童使性子。

⁴ 嚶嚶滾：音 e e gun`；幼童哭鬧的聲音。

⁵ 嚶嚶滾：音 giau giau gun`；形容抱怨或不滿的聲音，多用於罵人。

⁶ 牙牙射射：音 nga` nga` sa sa；支支吾吾。

⁷ 牙噉噉仔：音 nga` ve` ve` e`；笑嘻嘻的。

⁸ 使妮：音 sai` nai`；撒嬌。

110 年全國語文競賽客家語朗讀文章國小學生組（四縣腔）

編號 8 號

【秘密森林】林貴珠原作

佢從細盡好在山林肚、河壩脣搞寮，一到放寮日就一哪仔野上野下搞到斷烏正轉屋，記得讀小學該下，總係好跔阿娥厥姆去美濃山下拈樵。阿娥厥爸盡早就過身也，單淨倚恃厥姆做小工來畜一屋大細，阿娥盡知人我，放寮日都會跔厥姆去山肚拈樵相添，佢輒常跔衫尾，同佢兜共下去山林肚遠寮，對佢來講這座山林肚全全寶。

打早佢就帶等飯籠仔同佢兜共下去，在山林肚佢兜搞園分人尋，同這一大片个山林變做佢兜个運動坪縱上縱下¹，在樹頂蹶上蹶下無輸山猴仔，麼个愁慮早就飛走哩，飛到天仔恁高，佢个心情就像著等靚靚花裙在該跳舞个揚蝶仔，飛上飛下恁自在、恁快樂。走到汗流脈落就去山坑脣搞水，山坑水清又清、啉一口透心涼，坑水涼又甜，較贏雜貨店个枝仔冰。續等貶石頭捉蝦公、捉毛蟹、捉魚仔，唱等佢自家个山歌，快樂个歌聲跔等坑水傳遍歸隻山窩壩壁，流過莊頭，流到闊野野个天際。

成時會有膨尾鼠來做伴，厥面頰卵蠕蠕動看等佢兜手項个零

嗒，錫到厥口涎水強強就會跌下來哩，盡得人惜；還有領領拜个山狗太，佢看你，你看佢，成時又自家搞到四腳惹天，盡生趣。行到笏竹頭下聽著唧唧滾个聲音，佢兜就摻手項銅笏仔裝滄个水灌入地泥个空仔，無幾久就看著另外一個空仔趟出土狗仔來，一隻、兩隻下擺仔做得透著三、四隻个土狗仔。搞到癢哩坐在香絲樹下，山風柔柔吹過樹林，聽等土狗仔唧唧滾挨弦仔，山坑水同笏竹和出大自然个樂曲，這係最錫人聽个大自然音樂。

暢樂个時間總係恬恬仔溜啊過，一矚目就到斷烏哩愛轉屋咧，猴嫲背等猴子攀籬吊壁愛轉寶，佢兜就踏等紅霞下山，貓頭鳥咕咕滾同佢兜講：「正來寮！」阿伯姆孩等滿滿个幸福，佢乜袋等滄滄个快樂轉來，感謝這座山林加添佢生趣又無共樣个童年生活，感謝一路里來陪等佢成長个好山好水，對佢來講搞上搞下毋當美濃山下，這係吾心肝肚最靚个秘密森林。

¹ 縱上縱下：音 jiung' song' jiung' ha'；跑來跑去。

110 年全國語文競賽客家語朗讀文章國小學生組（海陸腔）

編號 1 號

【避暑】葉美伶原作

鳳凰樹榮榮、細細个花開到鬧熱煎煎，日頭緊來緊烈，企在樹下看往上，晟到人擘目毋開，長下還聽得著樹頂蟬仔，「知了～知了～知了～」，放勢牯唱等這隻季節正有个歌曲。

逐年這下係佢最快樂个時節！等學期結束，放棄該下，阿爸會送佢轉莊下摺講客个阿公、阿婆培養感情。戴在莊下無冷氣，毋過，闊闊个瓦屋當涼，若係暗晡頭特別熱个時節，阿婆就會擎支扇仔摺佢撥涼，撥啊撥仔，毋多知佢就睡忒咧。老屋面前有一隻當闊个禾埕，阿婆講頭擺係晒穀用个，這下穀收成後直接載去穀倉焙，毋使日頭晒，也毋驚下晝頭个風時水。阿婆講著頭擺艱苦个日仔，成時還會偷偷仔掙目汁。這下禾埕變成停車場咧，下把仔¹係晒菜脯、晒鹹菜乾个好所在，也係佢兜細人仔伴个遊樂場。

大門口種有一頭蓮霧樹，總係打到當結，歸樹襪襪吊吊。逐年到這時節就像摺佢講：「歡迎光臨！佢為著你煞猛打子，就像阿公、阿婆心肝肚恁恁个愛，望等子孫轉來。」屋面前還有一條

¹ 下把仔：音 ha⁺ ba⁻ er；有時候。

圳溝歸日泉水流流流流，這下還捉得著蝦公，阿婆講就算天早七毋使驚，泉水分恁佢个恩情恁佢愛知好惜。在烈烈个日頭下，最清涼个享受係去泔水仔、覓蜆仔、捉蝦公、搞相戽水，在收成後个田肚燻窯仔、搞騎馬打戰、份家啦，這兜全部都分佢摺細人仔伴搞到歡喜靈天，也係佢避暑快樂个生活。

一瞞目，佢讀小學三年生咧，阿姆安排佢避暑去補習。逐日關在冷氣間肚，歸隻人像拉繃²个弓，身材變到又高又瘦，也變到較白淨，歸日像極樂仔樣挨無停。佢想阿公、阿婆个莊下；想蓮霧還等等佢去摘；想摺隔壁鄰舍个細人仔伴共下搞园人尋。

阿爸講，恁佢客家人最重要个兩件事：讀書摺耕種。人講「晴耕雨讀」，所以，愛出頭天讀書第一重要。毋過，阿爸也會擲工載全家大細轉去看阿公、阿婆。其實，佢最毋盼得个係，無法度逐日聽著阿公、阿婆講佢該量時好聽个客家古。

² 繃：音 hen；緊。

110 年全國語文競賽客家語朗讀文章國小學生組（海陸腔）

編號 2 號

【鬧熱个落水天】曾菁怡原作

鬧鐘鈴～鈴～鈴～響咧！大嫲聲喊佢遽遽趺床，再過忍床就會赴毋掣去學校讀書咧。佢目西西伸手揪忒鬧鐘，又過橫落舒適个眠床，毋盼得摺佢分開。欸！毋係天光咧？外背仰還係暗摸胥疏？探頭看出去，原來係天公派烏雲使者來通知佢兜——愛落水咧！

有人認為落水天係麻煩天，出門愛著水衣，無就擎遮仔，係無細義，衫褲又會涿到溼漉漉仔，去哪就毋方便。學生仔最惱無法度出去打球仔、搞寮，一下課先生就掌等，麼人都做毋得出去涿水，所以一看啊著落水，大家就唉唉唧唧，目盯盯仔看等雨水號等歸隻運動坪，實在還慍悴哦！

毋過，落水天對佢來講顛倒係盡鬧熱个日仔。朝晨頭一出門，滿街路就係淦淦个車仔，這片嘩嘩；該片叭叭，像久見个朋友相借問樣，大家相賽講起恁久無看著个思念。該兜行路个人，擎等一支支遮仔花，分雨水一滋潤，就開出五彩个花來，行來行去像比麼人个花較靚。你係聽較真兜，該雨水打在車頂、屋頂、水窟抑係樹葉仔頂高个聲音全部無共樣，有高、有低；有大聲、

有細聲，像唱歌仔分你聽樣。成時，雷公還會用曠爐打燈光，用響雷伴奏，你講，係毋係已生趣？

佢當好在落水天打早就去學校，因為該兜平常時固核核个蠅螺、蟲蟻全部都會趁出來搞水。學校圍牆係紅毛泥作个，壁頂个溜苔青里里仔，落水該下，蠅螺爬上爬下陣打陣，有个相賽看麼儕爬較遽，有个彎來幹去做起畫圖个藝術家，又有个停跔在圍牆頂高享受涿水个清涼，逍遙自在。

落水天出來搞寮个蟲蟻盡好膽，衫褲無著就緊拚拚仔出來搞水，溝壩肚朗朗滾个水流已刺激，幾尾蟲蟻分水沖過去還會搖來擺去，暢到奈毋得。有个蟲蟻大擘擘仔趁到路町來，較砸身个還做得趁轉去；較媠个將就橫在路徑頭，分天公做主咧！

鬧熱个落水天，有人懊惱，有人歡喜，天公無法度分逐儕納意，佢們就愛自家改變想法，不管麼个天都係盡好个天。

110 年全國語文競賽客家語朗讀文章國小學生組（海陸腔）

編號 5 號

【蘋果】徐姿華原作

在臺灣，蘋果係無幾見奇个水果，一年四季儘採哪隻水果攤都看得著，毋過，蘋果个魔力，係從細斯深深種在佢心肝肚、因落佢腦膈肚个。

佢兜三姊妹一個一個續等出世了後，屋下个開銷也日見日增加，阿爸就摺阿姆參詳，講佢決定愛放忒屋下該垵出息無多个薄田，出外食頭路。為著賺較多兜錢，阿爸去應¹著水壩工程个十輪牯運轉手，愛配合工地時間出車，一隻月正有好歇睏兩日定定。

阿爸當珍惜摺屋下人共下个時間，放寮前一日下班，斯透夜趕轉來，轉到屋下長下轉點咧，佢兜早斯睡到屎肫孔孔，阿爸會輕手輕腳來間肚巡，看佢兜有睡好無？有踢被無？佢會摺睡到橫架直架个佢兜拗起來睡正、又摺佢兜个被蓋好，還會咬佢兜个面頰卵，分阿爸短短个鬚菇劊著²，又痠³又痛又虐削，目睡覺分阿爸吵醒起累贅⁴，目睡摸些⁵哇哇滾嗽眇，阿姆斯會嚶嚶滾⁶，喊佢毋

¹ 應：音 rhin'；允諾。

² 劊著：音 cam do'；刺到。

³ 痠：音 hoi；癢。

⁴ 起累贅：音 hi' lui' dui' / hi' lui' zhui'；耍賴。

⁵ 目睡摸些：音 mug shoi+ mia` sia`；睡眠惺忪的樣子。

好搵耍⁷人，阿爸會牙牙蛇蛇⁸講：「恁久無看著咧，佢當想佢个心肝妹啊！」還當想愛睡个佢，一下仔又迷迷痴痴睡忒咧，毋過睡夢中仰會鼻著香香甜甜當好鼻个味道呢？

第二日朝晨跣床，枕頭脣有一隻又紅又大个蘋果，該香香个氣味斯係昨暗晡目睡覺鼻著个，該大蘋果還錫人哪！係阿爸轉來咧！佢一想真，遽遽跳下眠床，來毋掣著鞋斯颯等出去，阿爸坐在飯桌前牙喊喊仔⁹看等佢，佢黏時就跳到阿爸个大腳髀頂高坐等，兩隻手纏等阿爸个頸根，摺阿爸做嬌。阿姆兜等一鑊燒爇爇个糜行過來，看著恁樣形笑笑仔講：「還做嬌哦！遽遽去洗嘴洗面好食朝咧！」佢還係毋肯下來，插等阿爸像一條無尾熊，阿爸笑到哈哈滾，企跣起來摺佢插去洗身間洗嘴洗面。

阿爸知佢好食蘋果，逐擺做事轉來，斯會買蘋果放在佢个枕頭脣，分佢做得發一隻香香甜甜个夢。佢知阿爸惜佢，佢也知佢當愛阿爸。該蘋果个香氣、靚靚个外形摺脆脆甜甜个好味緒，毋知對哪時斯刻落佢个心肝肚咧，該蘋果斯係阿爸愛佢、惜佢个印記。

⁶ 嚶嚶滾：音 giau giau gun'；心有不滿的怨聲。

⁷ 搵耍人：音 med sa` ngin；捉弄人。

⁸ 牙牙蛇蛇：音 nga nga sha sha；不正經。

⁹ 牙喊喊仔：音 nga ve` ve` er；牙齒微露微笑的樣子。

110 年全國語文競賽客家語朗讀文章國小學生組（海陸腔）

編號 8 號

【秘密森林】林貴珠原作

佢從細斯當好在山林肚、河壩脣搞寮，一到放寮日就滿哪仔遊遊野野，搞到斷烏正轉屋。記得讀小學該下，總係好跔阿娥厥姆去美濃山下拈樵，阿娥厥爸當早就過身咧，單淨倚恃厥姆做小工來畜一屋大細，阿娥盡知人我，放寮日總係會跔厥姆去山肚拈樵相添，佢長下擲衫尾跔等去，摺佢兜共下山林肚遠寮，對佢來講，這座山林全全係寶。

打早佢背等飯包摺佢兜共下去，在山林肚佢兜搞園人尋，摺這一大片个山林變到佢兜个運動坪躡上躡下¹，在樹頂爬上爬下毋輸山猴仔，麼个愁慮早就飛走咧，飛到天西恁遠去，佢个心情就像著等靚靚花裙在該跳舞个蝶仔，飛上飛下，仰般自在、仰般快樂！走到汗流脈落斯去山坑脣搞水，山坑水鮮又鮮、啉一口透心涼，坑水涼又甜，較贏雜貨店个枝冰。續等搵石牯捉蝦公、捉毛蟹、捉魚仔，唱等佢自家个山歌，快樂个歌聲跔等坑水傳遍歸隻山窩壠壁，流過莊頭，流到闊野野个天際。

成時膨尾鼠來做伴，佢个嘴蠕蠕動看等佢兜手町个零嗒，錫

到佢口水強強就會跌下來咧，實在得人惜！還有領領拜个山狗太，佢看你，你看佢，成時四腳惹天盡生趣，行到笏竹頭下，聽著唧唧个叫聲；佢兜摺手町个銅笏仔張滄水灌落地泥下个空肚，無幾久就看著另外一隻空仔趟出土狗仔來，一隻、兩隻，成時做得透²著三、四隻土狗仔。搞恁咧，坐在相思樹下，山風柔柔仔吹過樹林，聽等土狗仔唧唧滾挨弦仔，山坑水摺笏竹合奏出大自然个樂曲，這係最錫人聽个音樂。

快樂个時間總係恬恬仔溜啊過，一矚目就到斷烏愛轉屋咧，猴嫵背等細猴仔攀籬吊壁愛轉竇，佢兜就踏等紅霞下山，貓頭鳥咕咕滾摺佢兜講「正來寮」，伯姆孩等滄滄个幸福，佢也袋等滄滄个快樂轉屋，感謝這座山林加添佢生趣又無共樣个童年生活，感謝一溜里來陪等佢成長个好山好水，對佢來講，搞上搞下毋當美濃山下，這係佢心肝肚最靚个秘密森林。

¹ 躡上躡下：音 liung` shong` liung` ha`；跑來跑去。

² 透：音 teu+；灌水入洞，使蟲出來。

110 年全國語文競賽客家語朗讀文章國小學生組（大埔腔）

編號 1 號

【避暑】葉美伶原作

番婆樹¹榮榮，細細蕊个花開都鬧借借，日頭緊來緊烈，企在樹下看往上，晟都人擘毋開目，耳公脣不時聽得著樹頂个蟬，炎炎炎炎咿～～炎炎炎炎咿～～放勢緊唱這季節正有个歌曲。

逐年這下係佢盡樂暢个時節！等學期結束，放寮該滿，阿爸會送佢轉莊下同講客話个阿爹阿奶培養感情。戴在莊下無冷氣，毋過，闊闊个瓦屋當涼，堵著暗晡頭特別熱个時節，阿奶會擎支扇同佢撥涼，撥啊撥毋多知佢斯睡落覺咧。老屋面前有當大當闊个禾埕，阿奶講頭擺係晒穀用个，這滿穀收成斯直接載去穀倉焙，毋使日頭晒，也毋驚下晝頭个西北雨。阿奶講著頭擺艱苦个日，成半下還會偷偷掙目汁。這下禾埕既經變做停車場，下把²係晒菜脯、晒鹹菜乾个好所在，也係吾這兜細人个遊樂場。

大門口種有一頭蓮霧樹，逐年總係打都結結結，歸樹頂噹噹吊吊。逐年這時節斯像同佢講：「歡迎光臨！佢為著你煞猛結子，斯像阿爹阿奶心肝肚恁恁个愛，望子孫轉來。」屋面前還有

一條圳溝，歸日泉水流流流流，這滿還捉得著蝦公，阿奶講準講天早七毋怕，泉水分恁个恩情恁愛珍惜。在烈烈个日頭下盡清涼个享受係泗水、覓蜆、捉蝦公、搞水相戽，在收成過後个田項燿番薯，搞騎馬相戰、份家啦，吾這兜細人搞都歡喜轟天，也係佢避暑快樂个生活。

一瞞目，佢讀小學三年生咧，阿姆安排在避暑去補習。逐日關在冷氣間肚，歸個人像拉繆³个弓，身材變都又高又瘦，人也較白淨咧，歸日像極樂个樣無閒濟借⁴。佢已想該有阿爹阿奶个莊下，想蓮霧還等佢去摘，想隔壁鄰舍个細人伴等佢共下搞園人尋。

阿爸講佢客人已重視晴耕雨讀个門風，將讀書同耕種看做係盡重要个兩件事。因致，愛出頭天，讀書第一重要。毋過，阿爸也會輒輒撥時間，載歸屋家大細轉去看阿爹、阿奶。其實，佢盡毋盼得个係，無法度逐日聽著阿爹、阿奶用客話講古分佢聽个燒暖。

¹ 番婆樹：音 fan+ po^ˇ shu^ˋ；鳳凰木。

² 下把：音 ha^ˋ ba^ˋ；有時候。

³ 繆：音 hen^ˋ；緊。

⁴ 無閒濟借：音 mo^ˋ han^ˋ zi^ˋ zia^ˋ；非常忙碌的樣子。

110 年全國語文競賽客家語朗讀文章國小學生組（大埔腔）

編號 2 號

【鬧熱个落雨天】曾菁怡原作

鬧鐘鈴鈴鈴響咧！大嫲聲喊佢遽遽跣床，過勒床斯會赴毋掣去學校讀書哩啲。佢目西西伸手搵撇鬧鐘，過橫落軟習習个眠床項，毋盼得同佢分開。咦！毋係天光咧？外背仰脣還係暗摸胥疏？探頭看出去，原來係天公派烏雲使者來通知吾等——愛落雨咧！

有人認為落雨天已麻煩，出門愛著水衣，無斯擎遮，無細義衫褲又會淋去溼漉漉，去哪位都無方便。學生盡惱無法度出去打球、搞寮，一下課先生斯掌緊，麼人都使毋得出去逐雨，所以見看啊著落雨，大家斯唉唉嚟嚟，眼盯盯看雨水占領歸個運動埕，實在還愠悴哦！

毋過，落雨天對佢來講嗰係已鬧熱个日。朝脣一出門，街路做下塞滄滄个車，這片嘩嘩；該片叭叭，像久無見面个朋友相賽招呼，大家尖共下講起久無見面个思念。該兜行路个人，擎緊一支一支各色个遮花，雨水一滋潤，斯開出五彩个花蕾，行來行去像在比麼人个花較靚。你係聽較真兜，該雨水落在車頂、屋頂、水窟抑係樹葉个聲音做下無共樣，有高，有低；有大聲，有細

聲，像唱歌分你聽个樣。成半下，雷公還會用曠燼打燈光，用響雷伴奏，你講，係毋係已生趣？

佢盡好在落雨天打早去學校，因為該兜平常時固核核个蝓螺、蟲蟻全部都會出來搞水。學校牆頭係膏水泥个，泥壁項个溜苔青里里，落雨該下，蝓螺趁上趁落陣打陣，有兜比賽看哪隻趁較遽，有兜彎來幹去做畫圖个藝術家，有兜停在牆頭面享受逐雨个清涼，逍遙自在。

落雨天出來搞寮个蟲蟻盡好膽，衫褲無著斯緊拚拚走出來搞水，溝壩肚浪浪滾个水流已刺激，幾尾蟲蟻分水沖過去還會扭來扭去，暢都奈毋得。有个蟲蟻大擘擘趁到路項來，較砸身个還使得趁倒轉去；較嫚个將就橫在路徑頭，分天公做主咧！

鬧熱个落雨天，有人懊惱，有人歡喜，天公無法度分逐個人納意，孤孤偲自家改變想法，不管麼个天都係當好个天。

110 年全國語文競賽客家語朗讀文章國小學生組（大埔腔）

編號 5 號

【蘋果】徐姿華原作

在臺灣，蘋果係盡無見奇个水果，一年四季儘採哪個果子攤都看得著，毋過，蘋果个魔力，係自細斯深深種在吾心肝肚、囡入吾腦膈肚个。

吾等三姊妹一個續一個出世，屋家个開銷日視日增加，阿爸同阿姆參詳了後，決定放撇屋家該垵出息無多个薄田，出外食頭路，為著賺較多兜錢，阿爸應¹著水壩工程个十輪牯運轉手，愛配合工地時間出車，一個月正兩日好歇暍忒等。

阿爸當珍惜同屋家人共下个時間，放寮前一日下班，星夜趕轉來，趕到屋家既經轉點咧，吾等早都睡去屎肫孔孔，阿爸會輕手輕腳來間肚巡吾等，看看有睡好無？有踢被無？佢會同睡去橫架直架个吾等，拗正來睡、同吾等蓋被，還會咬吾等个面頰卵，分阿爸短短个鬚鬚刺去，又癢又疾又虐削，目睡覺玄玄風分阿爸吵醒現起雷迫，目摸目罅嚶嚶滾嗽眇，阿姆斯會嗆嗆嗆，喊佢莫滅人，阿爸會牙牙蛇蛇²講：「恁久無看著咧，佢當想吾心肝妹

啊！」還當愛睡个佢，一下又迷迷痴痴睡撇，毋過夢中仰脣鼻著香香甜甜當好鼻个味瑞呢？

第二日朝脣跣床，枕頭脣有一粒又紅又大粒个蘋果，該香香个氣味斯係昨暗晡目睡覺鼻著个，該大蘋果還錫人哪！係阿爸轉來咧！佢一恁真，遽遽跳落眠床，盲赴著鞋斯颯緊出去，阿爸坐在飯桌前牙噉噉³看佢，佢一下跳上阿爸大腳髀項坐核，兩隻手纏核阿爸个頸根，同阿爸使妮。阿姆捧核一鑊燒爇爇个糜行過來，看著斯笑笑講：「還使妮哦！遽遽去洗嘴洗面好食朝咧！」佢還係毋肯落來，拈核阿爸像一隻無尾熊，阿爸笑去嘿嘿滾，企跣來同佢搨去洗身間洗嘴洗面。

阿爸知佢好食蘋果，逐擺做事轉來，總會買蘋果放在吾枕頭脣，分佢使得發一個香香甜甜个夢。佢知阿爸惜佢，佢也知佢當愛阿爸。該蘋果个香氣、靚靚个外型同脆脆甜甜个好味瑞，毋知對哪時既經刻入吾个心肝肚，該蘋果斯係阿爸愛佢、惜佢个印記。

¹ 應：音 rhin+；允諾，此文中指「找到」。

² 牙牙蛇蛇：音 ngaˊ ngaˊ shaˊ shaˊ；不正經。

³ 牙噉噉：音 ngaˊ ve+ veˊ；露齒笑。

110 年全國語文競賽客家語朗讀文章國小學生組（大埔腔）

編號 8 號

【秘密森林】林貴珠原作

佢自細已好在山林肚、河壩脣搞寮，一到寮日斯滿哪野上野下，搞到斷烏正轉屋，記得讀小學該下，總係好跔阿娥厥姆去美濃山下撿樵，阿娥厥爸當早斯過身咧，單淨厥姆做小工來畜歸屋家大細，阿娥已知人我，放寮日總會跔厥姆去山頂撿樵杈相添，佢輒輒擲衫尾，同厥等共下去山林頂寮，對佢來講山林肚全全係寶。

打早佢背緊飯包同厥等共下去，在山林肚吾等搞措迷摸，將這一大片个山林，變做吾等个運動垵躡上躡下¹，在樹頂攀上攀落毋會輸山猴，麼个愁慮早都飛走咧，吾个心情斯像著緊靚靚个花裙在該跳舞个蝶，飛上飛下恁自在、恁快樂，走都汗流脈落斯去山坑脣搞水，山坑水清又清、淋一口透心涼，坑水涼又甜，較贏雜貨店个枝冰，跔緊眨石頭捉蝦公、捉老蟹、捉魚，唱吾等自家个山歌，快樂个歌聲跔坑水傳去歸山坑，流過莊頭，流到闊茫茫个天際。

成半下膨尾鼠來作伴，厥个面頰卵蠕蠕動看核吾等手項个嘴

嗒，錫都佢口涎水硬硬會跌落來咧，實在得人惜，還有領領拜个山狗太，佢看佢，佢看佢，成半下還會四腳惹天當生趣，行到笏竹蒲下聽著唧唧个聲說；吾等將手項空罐裝滄个水，灌入地泥个空肚，無幾久斯看著另外一個空土狗鑽出來，一隻、兩隻一半下使得灌著三、四隻土狗，搞癢咧坐在香絲樹下，山風柔柔吹過樹林，聽土狗唧唧滾鋸弦，山坑水同笏竹合奏出大自然个樂曲，這係盡錫人聽个樂曲。

樂暢个時間總係恬恬偷溜過，一瞞目斯到斷烏愛轉屋咧，猴嫵背緊細猴子攀籬吊壁愛轉竇，吾等斯踏緊霞痕落山，貓頭鳥咕咕滾同吾等講「正來寮」，阿伯姆核核滄滄个幸福，佢也袋緊滄滄个快樂轉來，勞瀝這粒山林加添佢生趣又無共樣个童年，感謝一路里來陪緊佢成長个好山好水，對佢來講搞上搞下毋當美濃山下，這係吾心肝肚盡靚个秘密森林。

¹ 躡上躡下：音 liung+ shong+ liung+ ha+；跑來跑去。

110 年全國語文競賽客家語朗讀文章國小學生組（饒平腔）

編號 1 號

【避暑】葉美伶原作

鳳凰樹榮榮个、細細个花開到鬧熱煎煎，日頭緊來緊烈，人在樹下向往上睜，分佢晟到擘毋開目，不時聽得著樹頂个蟬仔大聲喊知咧～知咧～知咧～，放勢牯唱等這季節正會有个歌曲。

逐年這下係佢最樂暢个時節！等學期結束，放寮該下，阿爸會送佢轉莊下摺講客个阿公、阿嬤培養感情。戴在莊下無冷氣，毋過，闊闊个瓦屋當涼，若係暗晡頭特別熱个時節，阿嬤就會擎支扇仔摺佢撥涼，撥啊撥啊，毋多知佢就睡忒咧。老屋面前有一隻盡大个禾埕，阿嬤講頭擺係炙穀用个，這下穀收成直接載去穀倉焙，毋使日頭炙，也毋驚下晝頭个風時雨。阿嬤講著頭擺該艱苦个日仔，成時還會偷偷仔掙目汁。這下禾埕已經變成停車場，下把仔¹係炙菜脯摺鹹菜乾个好所在，乜係佢兜細人伴个遊樂場。

大門口種有一頭蓮霧樹，總係打到結結結，歸樹頂纜纜懸懸。逐年到這時節就像摺佢講：「歡迎光臨，佢為著你煞猛打子，就像阿公、阿嬤心肝肚恹恹个愛，望等子孫轉來樣。」屋面前還有一條圳溝，歸日泉水流流流流，這下還捉得著蝦公，阿嬤

講，就算係天早乜毋怕，泉水分佢个恩情佢愛知好惜。在烈烈日頭下最清涼个享受係泗水、覓蜆仔、捉蝦公、爽水相戽，在收成後个田肚燻番薯、爽騎馬打戰、份家啦，佢這兜細人伴全部爽到歡喜露天，這也係佢避暑个快樂生活。

一曠目，佢讀小學三年生咧，阿姆安排佢在避暑去補習。逐日關在冷氣間肚，歸隻人像拉繃²个弓，身材變到又高又瘦，乜變到過較白淨，歸日就像極樂仔捩無停，佢想著阿公、阿嬤个莊下，想著蓮霧還等等佢去摘，想著隔壁鄰舍个細人伴還等佢共下去爽園人尋。

阿爸講佢俚客家人最重要个兩件事：耕種摺讀書。所以正有人講「晴耕雨讀」，愛出頭天，讀書第一重要。毋過，阿爸乜會輒輒撫下時間，載全家大細轉去睜阿公、阿嬤。其實，佢最毋盼得个係無法度逐日聽著阿公、阿嬤講古，還有該好聽个客家話。

¹ 下把仔：音 ha' ba' er'；有時候。

² 繃：音 hen；緊。

110 年全國語文競賽客家語朗讀文章國小學生組（饒平腔）

編號 2 號

【鬧熱个落雨天】曾菁怡原作

鬧鐘鈴¹！鈴！鈴響咧！大嫲聲喊佢遽遽踮起來，再過勒床就會赴毋掣去學校讀書咧。佢目絲絲伸手揪忒鬧鐘，過橫轉舒適个眠床，毋盼得摺佢分開。咦！毋係天光咧？外背仰會還係暗摸胥疏？探頭睜啊出去，原來係天公派烏雲使者來通知佢兜——愛落雨咧！

有人認為落雨天盡麻煩，出門愛著水衣，無就摺遮仔，無細義衫褲又會搵到濕漉漉，愛去哪位就無方便。學生仔最惱無法度出去打球、爽奈，一下課先生就掌等，麼人都做毋得出去逐雨，所以見堵著落雨，大家就唉唉唧唧，目盯盯睜等雨水占去歸隻運動坪，實在還慍悴唷！

但係，落雨天對佢來講顛倒係異鬧熱个日仔。晨早一出門，滿街路就係淅淅个車仔，這片嘩嘩；該片叭叭，像久違个朋友互相打招呼，大家尖共下講起恁久無見个思念。該兜行路个人，摺等遮仔比比摺像一列花，雨水一滋潤，就開出五彩个花蕊，行來行去像比麼人个花較靚樣。你係聽較真兜仔，該雨水打在車頂、

屋頂、水窟、也係樹葉頂高个聲音全部無共樣，有高、有低、有大聲、有細聲，像係唱歌分你聽樣。有成時，雷公還會用曠燼來打燈光，用響雷來伴奏，你講，恁樣係毋係異心色呢？

佢最愛在落雨天打早就去學校，因為該兜平常時圓核核个蝓螺、蟲蟻全部都會趟出來爽水。學校个圍牆係膏紅毛泥个，泥壁頂个溜苔青里里，落雨該下，蝓螺爬上爬下陣打陣，相賽睜麼儕爬較遽，有个彎來幹去做起畫圖个藝術家，有个停跔在圍牆頂高享受逐雨个清涼，逍遙自在。

落雨天出來爽奈个蟲蟻最好膽，衫褲無著就緊搖搖仔出來爽水，溝壩肚朗朗滾个水流異刺激，幾尾蟲蟻分水冲啊去還會搖來搖去，暢到奈毋得。有个蟲蟻大摺摺仔趟到路町來，較砸身个還做得趟轉去；較媼个將就橫在路徑頭，分天公做主咧！

鬧熱个落雨天，有人懊惱，有人歡喜，天公無法度分逐儕納意，唯一係佢俚做得自家改變想法，恁樣，不管麼个天都係最好个天。

¹ 鈴：音 liang；擬聲字。模擬鈴聲。

110 年全國語文競賽客家語朗讀文章國小學生組（饒平腔）

編號 5 號

【蘋果】徐姿華原作

在臺灣，蘋果¹毋係幾見奇个水果，一年四季儘採哪隻水果攤都睇得著，毋過，蘋果个魔力，係從細斯深深種在佢个心肝肚、囡入佢个腦膈肚个。

佢兜三姊妹一個續等一個出世了後，屋下个開銷日見日增加，阿爸摺阿姆參詳了後，佢決定放忒屋下該垵出益無多个薄田，出外食頭路，為著賺較多兜錢，阿爸去應²著水壩工程个十輪牯運轉手，愛配合工地時間出車，一個月正有好歇睏兩日仔定定。

阿爸當珍惜摺屋下人共下个時間，放寮前一日下班咧，阿爸斯透夜趕轉來，轉到屋下既經轉點咧，佢兜早都睡到屎朶孔孔，阿爸會輕手輕腳來間肚巡佢兜，睞有睡好無？有踢被無？佢會摺睡到橫架直架个佢兜拗起來睡正、過摺佢兜措被，還會咬佢兜个面頰卵，分阿爸短短个鬍鬚刺著，又癢又疾又虐削，目睡覺分阿爸吵醒現起雷追³，目摸目罉嚶嚶滾⁴唛眇，阿媽斯會嚶嚶滾⁵，喊

佢莫搥射人，阿爸會牙牙蛇蛇⁶講：「恁久無睞著咧，當想佢个心肝妹啊！」還當愛睡个佢，一下又迷迷癡癡睡咧，毋過睡夢中仰會鼻著香香甜甜當好鼻个味緒呢？

第二日晨早跣起，枕頭脣有一粒又紅又大个蘋果，該香香个氣味斯係昨暗晡目睡覺鼻著个，該大蘋果還錫人哪！係阿爸轉來咧！佢一想真，遽遽跳下眠床，盲赴著鞋斯颯等出去，阿爸坐在飯桌前牙噉噉⁷睞等佢，佢一下就跳到阿爸个大腳髀面坐等，兩隻手纏等阿爸个頸根，摺阿爸使妮⁸。阿媽兜等一鑊燒爇爇个糜行過來，睞著恁樣笑笑仔講：「還使妮哦！遽遽去洗嘴洗面，好食朝咧！」佢還係毋肯下來，箝核阿爸像一隻無尾熊，阿爸笑到哈哈滾，企跣起來摺佢搨去洗浴堂洗嘴洗面。

阿爸知佢好食蘋果，逐擺做事轉來，總會買蘋果放在佢个枕頭脣，分佢做得發一隻香香甜甜个夢。佢知阿爸惜佢，佢也知佢當愛阿爸。該蘋果个香氣、靚靚个外型摺脆脆甜甜个好味緒，毋知從哪時既經刻入佢个心肝肚，該蘋果斯係阿爸愛佢、惜佢个印記。

¹ 蘋果：音 lin` goˇ；語源於日語「林檎(りんご)」。

² 應：音 rhin`；允諾。

³ 起雷追：音 hi` lui duiˇ；孩童使性子。

⁴ 嚶嚶滾：音 e e gun`；幼童哭鬧的聲音。

⁵ 嚶嚶滾：音 giau giau gun`；形容抱怨或不滿的聲音，多用於罵人。

⁶ 牙牙蛇蛇：音 nga nga sha sha；不正經。

⁷ 牙噉噉：音 nga veˇ veˇ；笑嘻嘻的。

⁸ 使妮：音 sai nai；撒嬌。

110 年全國語文競賽客家語朗讀文章國小學生組（饒平腔）

編號 8 號

【秘密森林】林貴珠原作

佢從細盡好在山林肚、溪壩脣爽寮，一到放寮日就滿哪仔野上野下，爽到斷烏正轉屋，記得讀小學該下，總係好跔阿娥厥姆去美濃山下拈樵，阿娥厥爸盡早就過身咧，單淨倚恃厥姆做小工來畜歸屋大細，阿娥盡知人我，放寮日總係會跔厥姆去山肚拈樵相添，佢輒常揪衫尾，摺佢兜共下去山林肚遠寮，對佢來講，這山林肚全全係寶。

打早佢就背等飯包摺佢兜共下去，在山林肚佢兜爽園人尋，將這一大片个山林變做佢兜个運動坪躡上躡下¹，在樹頂爬上爬下無輸山猴仔，麼个愁慮早就飛走咧，飛到天斯無恁高，佢个心情就像著等靚靚花裙在該跳舞个蝶仔，飛上飛下恁樣自在、恁樣快樂，爽到汗流脈落就去山坑脣爽水，山坑水清又清、啱一口透心涼，坑水涼又甜，較贏雜貨店个枝仔冰。接等貶石頭捉蝦公、捉毛蟹、捉魚仔，唱等佢自家个山歌，快樂个歌聲跔等坑水傳遍歸隻山窩壩壁，流過莊頭，流到闊野野个天際。

有時膨尾鼠來做伴，佢个面頰卵蠕蠕動啞等佢兜手上个零

嗒，錫到佢个口涎水就會跌下來咧，盡得人惜，還有領領拜个山狗太，佢啞你，你啞佢，有時四腳惹天盡心色，行到笏竹頭下聽著唧唧个聲音，佢兜將手頂銅罐仔張滄个水灌入地泥个空肚，無幾久就啞著另外一隻空趟出土狗仔來，一隻、兩隻有時做得灌出三、四隻土狗仔，爽到慄咧，就坐在香絲樹下，山風柔柔吹過樹林，聽等土狗仔唧唧滾挨弦仔，山坑水摺笏竹和出大自然个樂曲，這係最錫人聽个樂曲。

暢樂个時間總係恬恬仔溜啊過，一矚目就到斷烏愛轉屋咧，猴嫵背等細猴仔攀籬懸壁愛轉寶，佢兜就踏等紅霞下山，貓頭鳥咕咕滾摺佢兜講「正來寮」，阿伯姆孩等滿滿个幸福，佢乜袋等滄滄个快樂轉來，感謝這座山林加添佢心色又無共樣个童年生活，感謝一路里來陪等佢成長个好山好水，對佢來講，爽上爽下毋當美濃山下，這係佢心肝肚最靚个秘密森林。

¹ 躡上躡下：音 lung` shong` lung` ha`；跑來跑去。

110 年全國語文競賽客家語朗讀文章國小學生組（詔安腔）

編號 1 號

【歇熱】葉美伶原作

鳳凰樹𠵿𠵿¹，細細蕊个花開到鬧熱滾滾，日頭越來越猛，對樹下睺起去，晟到目珠擘毋會開，不時聽會著樹嶼个蟬，知了～知了～知了～放勢唱這季節正有个歌。

逐年這站係佢頭樂暢个時務！等學期煞，歇暍遐下，阿怙會送佢轉莊下和講客个阿公阿媽培養感情。躡在莊下無冷氣，毋過，闊闊个瓦屋真涼，若係暗夜時頭特別熱个時，阿媽即會擎葵扇拗佢撥涼，撥啊撥啊無幾久佢即睡落眠啊。老屋面頭前有一個真大个个坪，阿媽講較早係炙穀用个，這滿穀收成直接載去穀倉烘，毋使日頭炙，嘛毋驚下晝頭个西北雨。阿媽講著成過辛苦个日，有時猶會偷偷掉目汁。這下坪已經變做停車場，有時務係炙菜脯、炙鹹菜乾个好所在，嘛係佢人細子伴个遊樂場。

大門口有種一頭蓮霧總係打到纍纍，歸樹嶼噹噹汀汀²。逐年這時務攏像拗佢講：「歡迎光臨！佢為著你拚勢打子，即像阿公阿媽心肝內恁恁个愛，望孫轉來。」屋面頭前猶有一條圳溝歸

日水流流流，這滿猶捉會著蝦，阿媽講就算洩早嘛毋驚，水得恁个恩情恁愛寶惜。在猛猛日頭下頭清涼个享受係泗水、摸蜆子、捉蝦、賞水相庠，在收成了後个田底焮番薯，賞騎馬相戰、辦家貨，這兜歸下得細子人賞到歡喜得天，嘛係佢歇熱快活个生活。

一曠目，佢讀小學三年，阿依安排歇熱時得佢去補習。逐日關在冷氣間內底，歸個人像揪經个弓，身材變到又高又瘦，嘛變攔較白淨，歸日像摔無閒挾掣。佢想阿公阿媽个莊下，想蓮霧猶等佢去捋，隔壁屋邊个細子伴等佢共下賞點膨嬰。

阿怙講，恁客人頭要緊个兩件事：讀書和耕作。「晴耕雨讀」，所以，討出頭天讀書第一要緊。佳載，阿怙會撥工載屋下大細轉去睺阿公、阿媽。其實，佢頭毋盼个係無法度逐日聽著阿公、阿媽講古遐好聽个客事。

¹ 𠵿𠵿：音 hen` hen`；繁茂狀。

² 噹噹汀汀：音 dong dong din din；樹上果實纍纍，看起來又晃來晃去貌。

110 年全國語文競賽客家語朗讀文章國小學生組（詔安腔）

編號 2 號

【鬧熱个落雨天】曾菁怡原作

鬧鐘鈴、鈴、鈴鳴啊！大嬲聲喊佢愛較緊跋起來，若擱搵眠床即會毋會赴去學校讀書啊。佢目珠眯眯伸手拗鬧鐘抑莫，猶倒在舒適个眠床，毋盼得和佢分開。咦！毋係天光啊？外頭仰子猶暗摸胥疏？探頭睜出去，幾時係天公派烏雲使者來通知佢人一討落雨啊！

有人認為落雨天係麻煩天，出門愛著雨衫，無即擎雨傘，無細義衫褲又會涿到溼漉漉，去哪位攏無利便。學生真感無法度出去打球、賞祭，一下課先生即顧蹠，麼儕攏毋會用出去涿雨，所以一睜著落雨，大家即唉唉唧唧，目直直睜著雨水占歸個運動坪，實在真慍悴哦！

毋過，落雨天對佢來講嗰係真鬧熱个日。晨早一出門，街路攏係淅淅个車，這裡嘩嘩、遐裡叭叭，像久無睜个朋友，大家尖共下講起恁久無見面个思念。遐兜行路个人，擎著一支支雨傘花，雨水一濕潤，即開出五彩个花蕊，行來行去像在比麼儕个花較靚。你若係聽較精兜，遐雨水打在車嶼、屋嶼、水窟抑係樹葉面上个聲歸下無共樣，有高，有低；有大聲，有細聲，像唱歌得

你聽共款。有時，雷公猶會用曠燼打燈光，用鳴雷伴奏，你講，係毋係真心色？

佢頭愛在落雨天打早即去學校，因為遐兜普通時藏核核个露螺、蟲蟻做一下攏會出來賞水。學校圍牆係抹紅泥个，壁面个青苔青拚拚，落雨遐時，露螺趁上趁下一陣一陣，有个相比麼儕趁較緊，有个彎來幹去做畫圖个藝術家，有个歇在圍牆面上享受得雨涿个清涼，逍遙自在。

落雨天出來賞祭个蟲蟻頭好膽，衫褲無著即攏緊緊出來賞水，溝底洛洛滾个水流真刺激，幾下尾蟲蟻得水沖過去猶會搖來擺去，暢到毋會奈。有个蟲蟻真慧面趁到路面，較勇个猶會用趁轉去；較嫻个歸氣橫在路頭，在天公做主啊！

鬧熱个落雨天，有人懊惱，有人歡喜，天公無法度得逐儕滿意，只有恁自家改變想法，毋管麼个天攏係好天。

110 年全國語文競賽客家語朗讀文章國小學生組（詔安腔）

編號 5 號

【蘋果】徐姿華原作

在臺灣，蘋果係真普通个果子，一年四季儘採哪個果子攤擺
脛會著，毋過，蘋果个魔力，係自細即深深種在佢心肝內、囡入
佢頭那底个。

佢人三姊妹一個接一個出世了後，屋下个所費一日一日增
加，阿怙和阿依參詳了後，佢決定放莫屋下遐埕收成無多个薄
田，出外食頭路，為著趁較多錢，阿怙去應著水壩工程个十輪車
司機，愛配合工地時間出車，一個月正有通歇睏兩日定。

阿怙真實惜和屋下人作埕个時間，歇睏前一日下班，阿怙即
透夜攔轉來，轉到屋下即攏翻點啊，佢人早即睡到屎肫翹翹，阿
怙會輕手輕腳來間底巡佢人，脛有睡好勢無？有踢被無？佢會拗
睡到加罉橫¹个佢人攙起來睡正、攔拗佢人措被，猶會咬佢人个面
頰卵，得阿怙短短个嘴鬚劓著，又癢又疾又虐削，睡得阿怙吵醒
隨起雷迫，半睡半醒噉噉拂擱啞，阿依即會劈批拂，喊佢莫創治
人，阿怙會無正經講：「恁久無脛著啊，佢真想佢心肝阿女
啊！」當時愛睡个佢，一下又迷迷癡癡睡去，毋過睡个時仰子鼻

¹ 加罉橫：音 ga^ˇ la bbang[`]；橫七豎八，東倒西歪的。

著香香甜甜真好鼻个味呢？

第二日晨早跋起來，枕頭脢有一粒又紅又大粒个蘋果，遐香
香个氣味即係昨暗睡鼻著个，遐大蘋果真錫人呢！係阿怙轉來
啊！佢一想真，攔緊跳落眠床，旨赴著鞋即從²出去，阿怙坐在飯
桌前嘴噉噉脛佢，佢一下跳起阿怙大腳髀坐核，兩支手纏核阿怙
个頸，拗阿怙使妮。阿依捧著一鑊燒滾滾个糜行過來，脛著恁笑
笑講：「真使妮哦！攔緊去洗牙洗面好食早頓啊！」佢猶係毋肯
落來，夾核阿怙像一隻無尾熊，阿怙笑到哈哈拂，企起來拗佢攙
去洗浴間洗牙洗面。

阿怙知佢愛食蘋果，逐擺做事轉來，總會買蘋果囡在佢个枕
頭脢，得佢會用做一個香香甜甜个發夢。佢知阿怙惜佢，佢嘛知
佢真愛阿怙。遐蘋果个香氣、靚靚个外型和脆脆甜甜个好味素，
毋知對哪時已經刻入佢个心肝底，遐蘋果即係阿怙愛佢、惜佢个
印記。

² 從：音 zong[`]；疾奔、猛衝之意。

110 年全國語文競賽客家語朗讀文章國小學生組（詔安腔）

編號 8 號

【秘密森林】林貴珠原作

佢自細真愛在山林內、河溪脣賞寮，一到歇暎日即滿哪位走上走落，賞到佢暗正轉屋下。記得讀小學遐下，總係愛跔阿娥厥依去美濃山下撿樵，阿娥厥怙真早即過身啊，單單靠厥依做小工來供歸屋下大細，阿娥真識事，歇暎日總係會跔厥依去山底撿樵相添，佢輒輒揪衫支尾，和佢人共下去山林內遠寮，對佢來講這座山林攞係寶。

打早佢背著飯包和佢人共下去，在山林底佢人賞鬼捉人，拗這一大片个山林變做佢人个運動坪從上從落，在樹嶼跋上跋落無輸山猴，麼个煩惱早即飛走啊，飛到天恁高，佢个心情即像著靚靚花裙在遐跳舞个蝶，飛上飛落恁誠自在、恁誠歡喜，走到流汗溶滴即去山坑脣賞水，山坑水清又清、淋一口透心涼，坑水涼又甜，較贏雜貨店个枝子冰，接落搨石頭捉蝦、捉老蟹、捉魚，唱著佢自家个山歌，快活个歌聲跔著坑水傳透歸粒山，流過莊頭，流到闊茫茫个天邊。

有時膨鼠來做伴，佢个面頰卵蠕蠕動睭佢人手底个四秀，錫到佢口涎水攞討汀落來啊，真得人惜！猶有領領拜个赤龍公，佢

睭你，你睭佢，有時四腳翹天真心色！行到笏竹下聽著唧唧唧个聲，佢人拗手底銅罐仔裝淦淦个水灌入泥下个空，無幾久即睭著另外一個空趟出土狗，一隻、兩隻有時會灌著三、四隻土狗。賞恹啊坐在相思樹下，山風柔柔吹過樹林，聽土狗唧唧啱挨弦，山坑水和笏竹合奏出大自然个樂曲，這係頭錫人聽个音樂。

樂暢个時間總係恬恬仔溜過，一矚目即到位烏昏愛轉啊，猴嫵背細隻猴攀籬跋壁討轉，佢人嘛蹬著紅霞落山，貓頭烏咕咕啱佢人講「正來寮」，伯嬲孩滿滿个幸福，佢袋淦淦个快樂轉來，感謝這座山林加添佢心色又無共樣个童年生活，感謝一路來和佢做伴成長个好山好水，對佢來講賞遐賞這較輸美濃山下，這係佢心肝底頭靚个秘密森林。

110 年全國語文競賽客家語朗讀文章國小學生組（南四縣腔）

編號 1 號

【避暑】葉美伶原作

鳳凰樹榮榮个、細細个花開到鬧熱煎煎，日頭緊來緊烈，分人在樹下向頂頂看，晟啊擘毋開目，不時聽得著樹頂个蟬仔，知了～知了～知了～盡命牯唱等這季節正有个歌曲。

每年這下係佢最暢樂个時節！等學期結束，放寮該下，阿爸會送佢歸鄉下同講客个阿公阿婆培養感情。歇在鄉下無冷氣，毋過，闊闊个瓦屋蓋涼，係暗晡頭特別熱个時節，阿婆就會拿扇仔同佢撥涼，撥撥啊毋多知仔佢就睡落覺也。老屋面前有一個盡闊个禾埕，阿婆講頭擺係晒穀用个，這下穀收成直接載去穀倉炕，毋使日頭晒，也毋驚下晝頭个西北雨。阿婆講著頭擺艱辛个日仔，有時還會偷偷仔掙目汁。這下禾埕已經變做停車坪，下把仔係晒蘿蔔乾、晒鹹菜乾个好所在，也係佢等細人仔搞寮个所在。

大門口種有一頭蒜果樹總係打到結結結，歸樹頂纍纍墜墜。每年這時節就像同佢講：「歡迎光臨！佢為著你煞猛打子，就像阿公阿婆心肝肚滿滿个愛，望等子孫歸來。」屋面前還有一條圳溝，歸日泉水流流流流，這滿還捉得著蝦公，阿婆講就算天旱也毋怕，泉水分佢等个恩情佢等愛珍惜。在烈烈日頭下最清涼个享

受係泗水、覓蜆仔、捉蝦公、搞水相戽，在割過禾个田肚焗番薯，搞騎馬相戰、搞家啦飯仔，這兜全部分細人仔搞到歡喜靈天，也係佢避暑快樂个生活。

一瞞目，佢讀小學三年生也，阿姆安排在暑假分佢去補習。每日跼在冷氣間，歸個人像擲繩个弓，身材變啊又高又瘦，也變啊過白淨，歸日仔像極樂仔樣仔無閒泊杈。佢想阿公阿婆个草地，想蒜果還等等佢去摘，隔壁鄰舍个陣黨等佢共下搞庠人尋。

阿爸講佢等客家人盡重要个兩件事：耕田同讀書。「晴耕雨讀」，故所，愛出頭天讀書第一重要。毋過，阿爸也會輒常撥時間，載全家大細歸去看阿公、阿婆。其實，佢盡毋盼得个係無法度每日聽著阿公、阿婆講古該下仔好聽个客家話。

編號 2 號

【鬧熱个落雨天】曾菁怡原作

鬧鐘鈴、鈴、鈴響吔！大嫲聲喊偌共快趺床，再過忍床就會赴毋掣去學校讀書吔。偌目絲絲仔伸手掀核鬧鐘，還過眠在鬆爽个眠床，毋盼得同佢分開。咦！毋係天光吔吓？外背仰還會暗摸胥疏？探頭看啊出去，原來係天公派烏雲使者來通知偌等——愛落雨吔！

有人認為落雨天係麻煩天，出門愛著水衣，無就擎遮仔，無細義衫褲又會涿到溼溶溶仔，去哪仔都無方便。學生仔盡惱無法度出去打球、搞寮，一下課先生就掌等，麼人都做毋得出去涿雨，故所一看啊著落雨，大家就唉唉唧唧，眼盯盯仔看等雨水號等歸個運動坪，實在還慍悴哦！

毋過，落雨天對偌來講啲係盡鬧熱个日仔。朝晨一出門，歸路項一哪仔都係車仔，這片嘩嘩；該片叭叭，像盡久無見个朋友相借問樣仔，大家尖共下講起恁久無看著个思念。該兜行路个人，擎等一支支遮仔花，雨水一涿，黏時就開出五彩个花蕊，行來行去像比麼人个花過鬧。你係聽過真兜仔，該雨水打在車仔頂、屋頂、水窟仔還係樹葉仔頂高个聲音全部無共樣，有高，有

低；有大聲，有細聲，像唱歌仔分你聽樣仔。有成時，雷公還會用曠燼打燈光，用響雷公來和聲，你講，係毋係盡生趣？

偌盡好在落雨天打早就去學校，因為該兜平常時屏塞塞个蠅螺仔、蟻公全部都會趟出來搞水。學校圍牆泥壁頂个溜苔青溜溜仔，落雨該下，蠅螺仔歸陣仔趟上趟下，有兜相爭看麼人趟過遽，有兜幹來幹去做起畫圖个藝術家，有兜恬在圍牆頂高享受涿雨个清涼，逍遙自在。

落雨天出來搞寮个蟻公盡好膽，衫褲無著就緊拚拚仔¹出來搞水，壩坑裡背朗朗滾个水流盡刺激，幾下尾蟻公分水沖過去還會搖來擺去，暢啊無結煞。有兜蟻公大擎擎仔趟到路項來，過砸身个還做得趟歸去；過媿个將就橫在路徑項，分天公做主吔！

鬧熱个落雨天，有人懊燥，有人歡喜，天公無法度分每一個人合意，只有偌等自家改變想法，毋管麼个天都係盡好个天。

¹ 緊拚拚仔：音 gin` bia bia e'；喻急迫的樣子。

【蘋果¹】徐姿華原作

在臺灣，蘋果毋係盡罕得見个水果，一年四季儘採哪個水果攤仔都看得著，毋過，蘋果个魔力，係從細就深深種在佢心肝肚、囷入佢腦膈肚²个。

佢等三姊妹一個接等一個出世過後，屋下个開銷日見日增加，阿爸同阿姆參詳過後，決定放核屋下該坵出息無多个薄田，出外食頭路，為著賺過多兜仔錢，阿爸去應³著水壩工程个十輪牯運轉手，愛配合工地時間出車，一個月正有好奈兩日仔定定。

阿爸盡珍惜同屋下人共下个時間，放奈前一日下班也，阿爸就透夜趕歸來，歸到屋下已經轉點也，佢等早都睡到屎朥翹翹，阿爸會輕手輕腳來間肚巡佢等，看啊有睡好無？有踢被無？佢會同睡啊橫架直架个佢等拗起來睡正、過同佢等蓋被，還會咬佢等个面頰卵，分阿爸短短个鬍鬚刺著，又癢又痛又虐削，睡等目分阿爸吵醒現起雷追⁴，目摸目罅嚶嚶滾⁵嗽眇，阿姆就會嚶嚶滾⁶，

喊佢莫搥射人，阿爸會牙牙射射⁷講：「恁久無看著也，佢蓋想佢心肝妹啊！」還蓋想睡个佢，一下仔又目陰目陽睡核，毋過睡夢中仰鼻著香香甜甜蓋好鼻个味緒呢？

第二日朝晨跣床，枕頭脣有一粒又紅又大粒个蘋果，該香香个味緒就係昨暗晡睡目該下鼻著个，該大蘋果還錫人哪！係阿爸歸來也！佢一恸真，共快跳落眠床，還無著著鞋就飄等出去，阿爸坐在飯桌前牙噉噉仔⁸看佢，佢一下就跳啊阿爸个大腳髀頂坐等，兩隻手纏等阿爸个頸根，同阿爸使妮⁹。阿姆捧等一鑊燒燒燻仔个粥行過來，看著佢恁仔噉噉仔講：「還使妮哦！遽啊去洗嘴洗面好食朝也！」佢還係毋肯下來，拈等阿爸像一隻無尾熊，阿爸噉到哈哈滾，企跣起來同佢拈去洗身間洗嘴洗面。

阿爸知佢好食蘋果，每擺做事歸來，總會買蘋果放在佢枕頭脣，分佢做得發一個香香甜甜个夢。佢知阿爸惜佢，佢乜知佢盡愛阿爸。該蘋果个香氣、靚靚个外型同脆脆甜甜个好味緒，毋知對哪時已經刻入佢个心肝肚，該蘋果就係阿爸愛佢、惜佢个印記。

¹ 蘋果：音 lin ngoˊ；語源於日語「林檎(りんご)」。

² 腦膈肚：音 noˊ gagˊ duˊ；腦海裡。

³ 應：音 inˊ；允諾、承攬。

⁴ 起雷追：音 hiˊ luiˊ duiˊ；孩童使性子。

⁵ 嚶嚶滾：音 e e gunˊ；幼童哭鬧的聲音。

⁶ 嚶嚶滾：音 giau giau gunˊ；形容抱怨或不滿的聲音，多用於罵人。

⁷ 牙牙射射：音 ngaˊ ngaˊ sa sa；支支吾吾。

⁸ 牙噉噉仔：音 ngaˊ veˊ veˊ eˊ；笑嘻嘻的。

⁹ 使妮：音 saiˊ naiˊ；撒嬌。

110 年全國語文競賽客家語朗讀文章國小學生組（南四縣腔）

編號 8 號

【秘密森林】林貴珠原作

佢從細盡好在山林裡背、河壩脣搞寮，一到放寮日就一哪仔野上野下搞到斷烏正歸屋。記得讀小學該下，總係好跔阿娥厥姆去美濃山下拈樵，阿娥厥爸盡早就過身也，單淨倚恃厥姆做小工來畜一屋仔大細，阿娥盡知人我，放寮日都會跔厥姆去山頂拈樵相添，佢輒常跔衫尾，同佢等共下去山林裡背遠寮，對佢來講這座山林裡背全全寶。

打早佢就背等飯包同佢等共下去，在山林裡背佢等搞措目屏窟，同這一大片个山林變做佢等个運動坪躡上躡下¹，在樹頂跋上跋下無輸山猴仔，麼个愁慮早就飛走也，飛到天恁高，佢个心情就像著等靚靚花裙在該跳舞个揚蝶仔，飛上飛下恁自在、恁快樂。走到大汗過細汗就去山坑脣搞水，山坑水清又清、啉一口透心涼，坑水涼又甜，過贏雜貨店个枝仔冰。續等搵石頭捉蝦公、捉毛蟹、捉魚仔，唱等佢自家个山歌，快樂个歌聲跔等坑水傳遍歸個山林壁角，流過莊頭，流到闊野野个天際。

有時會有膨尾鼠來樣陣，厥面頰卵蠕蠕動看等佢等手項个零

嗒，錫到厥口涎水就會跌下來也，盡得人惜；還有領領拜个山狗太，佢看你，你看佢，有時又自家搞到四腳惹天，盡生趣。行到笏竹頭下聽著唧唧个聲音；佢就同手項銅罐仔裝滿个水灌入地泥个空，無幾久就看著另外一個空越出土狗仔來，一隻、兩隻下擺仔做得透著三、四隻个土狗仔。搞啊癢也坐在香絲樹下，山風柔柔吹過樹林，聽等土狗仔唧唧滾鋸弦仔，山坑水同笏竹和出大自然个音符，這係最錫人聽个樂曲。

暢樂个時間總係恬恬仔溜啊過，一瞞目就到斷烏也愛歸屋也，猴嫲背等細猴仔攀籬吊壁愛轉竇，佢等就踏等紅霞下山，貓頭鳥咕咕滾同佢等講「正來寮」，伯姆孩等滿滿个幸福，佢也袋等滿滿个快樂歸來，感謝這座山林加添佢生趣又無共樣个童年生活，感謝一路里來陪等佢成長个好山好水，對佢來講搞上搞下毋當美濃山下，這係佢心肝肚最靚个秘密森林。

¹ 躡上躡下：音 lung^ˇ song^ˊ lung^ˇ ha^ˊ / liung^ˇ song^ˊ liung^ˇ ha^ˊ；跑來跑去。